

Papsturkunden in Frankreich. Band 5: Touraine, Anjou, Maine und Bretagne., Nr. 227

Urbanus episcopus seruus seruorum Dei. Venerabilibus fratribus archiepiscopis et episcopis, in quorum parochiis Maius Monasterium domos habet, salutem et apostolicam benedictionem. Ad audientiam apostolatus nostri peruenit, quod dilecti filii nostri fratres Maioris Monasterii in parochiis uestris quasdam domos possident, ubi fratres ab hac uita migrantes pro defectu cimiterii nequeant sepeliri, et necesse est cadauera mortuorum cum plurimo saepe discrimine ad ipsum monasterium uel ad alia tumultanda deferri. Vnde nos eis contra huius difficultatis incommodum paterna sollicitudine prouidentes apostolica eis auctoritate concessimus in talibus locis cimiterium condere, ubi saluo iure parochialium ecclesiarum libere possint mortuorum suorum cadauera sepelire. Quorcirca fraternitati uestrae per apostolica scripta precipiendo mandamus, quatinus, cum ab eisdem fratribus requisiti fueritis, singuli per parrochias uestras in locis, in quibus eis hec necessitas imminet, auctoritate apostolica nullius contradictione uel appellatione obstante cimiteria benedicere non tardetis. Dat. Veronae XIII kal. iulii.